

Allah je zaštitnik onih koji vjeruju i On ih izvodi iz tmina na svjetlo, a onima koji ne vjeruju - zaštitnici su taguti oni ih odvođe sa svjetla na tmine; oni će biti stanovnici džehennema, oni će u njemu vječno ostati. (El-Bakara, 257)

Islamski Magazin za sestre

Muslimah

Izdvajamo:

Pazi kako postupaš s njom!

Biljke i svakodnevni život

Koliko si ispunjena....? I dio

Adabi učenja Kurana I dio

Sadržaj

<i>Zar je ispravno postupio prema Allahu onaj.....</i>	<i>3</i>
<i>Kufr u taguta je šart za vjerovanje u Jedinog Allaha...</i>	<i>4</i>
<i>Hadisi o hadždžu</i>	<i>5</i>
<i>Pet savjeta.....</i>	<i>7</i>
<i>Pazi kako postupaš s njom!.....</i>	<i>8</i>
<i>Koliko si ispunjena....? I dio.....</i>	<i>10</i>
<i>Važnost čitanja djeci II dio.....</i>	<i>11</i>
<i>Biljke i svakodnevni život.....</i>	<i>13</i>
<i>Jedna od najbogatijih ensarijki</i>	<i>14</i>
<i>Adabi učenja Kurana I dio.....</i>	<i>15</i>
<i>Šminka uspješne žene III.....</i>	<i>17</i>
<i>Nastupanje Sudnjeg dana u vaktu najgorih ljudi ...</i>	<i>18</i>
<i>Ne zapostavimo svoju djecu.....</i>	<i>21</i>
<i>Ko je Ehlul – Bejt II dio.....</i>	<i>22</i>
<i>Reklame</i>	<i>23</i>
<i>U sljedećem broju čitamo.....</i>	<i>24</i>



Redakcija

Ummu Amatullah

Ummu Talha

Ummu Esma

Za ovaj broj pišu:

Ummu Sejfullah

Ummu Esma

Ummu Talha

UmmuZejneb

Ummu Mudžahid

Ummu Zejd

Sestra Ajša

Sestra Adela



Zar je ispravno postupio prema Allahu onaj...

Zar je ispravno postupio prema Allahu onaj ko između Njega i Njegovog neprijatelja podijeli ono što samo Njemu pripada – veličanje, poštovanje, pokornost, poniznost, potčinjenost i nadanje? Kada bi i Njemu najbliže stvorenje stavio na taj stepen, to bi bilo kršenje i oskrnavljanje Njegovog prava. To je omalovažavanje i dijeljenje nečega što ne može pripasti nikom drugom osim Uzvišenom Allahu. Pored toga, Njegovo pravo se posvećuje najomraženijem stvorenju i najvećem neprijatelju. Jer, ko god robuje nekom drugom osim Allahu, taj robuje šejtanu, kao što se kaže u ajetu:

“O, sinovi Ademovi, zar vam nisam naredio: ‘Ne klanjajte se šejtanu on vam je neprijatelj otvoreni, već se klanjate Meni; to je put pravi.’” (Ja sin, 60-61) Kada su mnogobošci počeli obožavati meleke, kako su oni mislili, to obožavanje je preusmjereno na šejtane:

“A na Dan kad ih sve sabere, pa meleke upita: ‘Zar su se ovi vama klanjali?’ oni će odgovoriti: ‘Hvaljen neka si, Ti si gospodar naš, između nas i njih nije bilo prijateljstva; oni su se džinnovima pokoravali i većina njih je vjerovala u njih.’” (Sebe’, 40-41) Šejtan poziva mnogobošce da ga obožavaju. On im se prikazuje kao melek. Isto tako, obožavaoci Sunca, Mjeseca i zvijezda misle da obožavaju duhovnu stranu tih zvijezda, da one s njima razgovaraju, da im ispunjavaju želje, a ne znaju da, ustvari, robuju šejtanima. Tako, kada Sunce izidje i nevjernici mu padnu na sedždu, šejtani se udruže sa njim, tako da ta sedžda njima pripadne. Isto se dešava i prilikom zalaska. Isto tako – oni koji obožavaju Mesihu i njegovu majku, već obožavaju šejtana. Ovi mnogobošci su uvjereni da obožavaju onoga ko im je naredio da obožavaju njega i njegovu majku i da je on time zadovoljan. Predmet svega ovoga je upravo šejtan. Takvi ljudi se varaju da robuju Allahu ili Njegovom Poslaniku, sallallahu alejhi ve sellem. Na to ukazuje ajet:

“O, sinovi Ademovi, zar vam nisam naredio: ‘Ne klanjajte se šejtanu on vam je neprijatelj otvoreni, već se klanjate Meni; to je put pravi’” (Ja sin, 60-61)

Svaki čovjek koji robuje bilo čemu drugom osim Allahu taj ibadet će biti upućen šejtanu. Obožavani će uživati u tom veličanju i u uzdizanju na nivo Allaha. To je krajnji cilj šejtana. Zbog toga Uzvišeni kaže: **“A na Dan kada On sve sakupi: ‘O, skupe šejtanski, vi ste mnoge ljude zaveli!’**” (El En’am, 128) **“Gospodaru naš,’ – reći će ljudi, štićenici njihovi – ‘mi smo jedni drugima bili od koristi i stigli smo do roka našeg koji si nam odredio Ti!’- ‘Vatra će biti prebivalište vaše’ – reći će On -, ‘u njoj ćete vječno ostati, osim ako Allah drugačije ne odredi.’**” (El-En’am, 128) **Gospodar tvoj je zaista mudar i sveznajući.”** (El-En’am, 128)

Iz knjige: “Bolest i lijek,” str. 209-210, Ibn Kajjim el-Dzevzije

Kufr u taguta je šart za vjerovanje u Jedinog Allaha

“Onaj ko ne vjeruje u taguta, a vjeruje u Allaha – drži se za najčvršću vezu, koja se neće prekinuti. – A Allah sve čuje i zna.” (Bekare, 256) U pogledu ovog ajeta Kurtubi kaže: “Ovo je potvrda s šartom. Tagut je ženski rod od glagola taga-jatga što bi jezički značilo preći granicu.

Njegove riječi: “drži se za najčvršću vezu, koja se neće prekinuti” su odgovor na šart. Mudžahid kaže riječ “urve” – veza znači iman. Suddi kaže: “To se odnosi na islam.” Ibn Abbas, Seid b. Džubejr i Dahhak kažu: “Misli se na la ilahe illallah.” Sva ova tumačenja svode se na jedno značenje.”

Begavi za riječi: “Onaj ko ne vjeruje u taguta” kaže: “To jest ko ne vjeruje u šejtana. A prenosi se i drugo mišljenje da sve što se obožava mimo Allaha, dželle šanuhu, predstavlja taguta. A riječi: “a vjeruje u Allaha – drži se za najčvršću vezu, koja se neće prekinuti.” To jest, taj se prihvatio za čvrsto uže vjere. Ar. izraz “lenfisame leha” znači koje se neće prekinuti.”

Šenkiti u pogledu riječi Uzvišenog: “Mi smo svakom narodu poslali poslanika “Allaha obožavajte, a klonite se taguta” kaže: “Neće koristiti obožavanje Allaha osim pod uslovom da se čovjek kloni obožavanja svega mimo Njega, kao što to Uzvišeni kaže: “Onaj ko ne vjeruje u taguta, a vjeruje u Allaha – drži se za najčvršću vezu, koja se neće prekinuti.” I Njegove riječi: “Većina ovih ne vjeruje u Allaha, nego druge Njemu smatra ravnim.” Kao i mnogi drugi ajeti u tom kontekstu.”

U pogledu riječi Uzvišenog: “Onaj ko ne vjeruje u taguta, a vjeruje u Allaha” Ibn Kesir kaže: “To jest, ko ostavi lažna božanstava, kipove i sve ono u što poziva šejtan od ibadeta mimo Allahu, te prihvati Allaha Jedinog i samo Njega bude obožavao i posvjedoči la ilahe illallah, na takvog se odnose Njegove riječi: “drži se za najčvršću vezu, koja se neće prekinuti.” To jest, takav je zauzeo ispravan stav i takav ide pravim putem... Mišljenje Faruka (Omer, r.a.), da se tagut odnosi na šejtana je itekako jako, jer ono obuhvata svako zlo na kojem su bili predstavnici džahilijeta, od obožavanja idola, uzimanja njih za sudiju i pomagače...

Mudžahid kaže: “Njegove riječi: “drži se za najčvršću vezu, koja se neće prekinuti,” znače iman. Suddi kaže da je to islam. Seid b. Džubejr i Dahhak kažu da se to odnosi na riječi la ilahe illallah. Sva ova mišljenja su tačna i među njima nema kotradiktornosti.”

Imam Taberi kaže: “Ispravno mišljenje u pogledu taguta po meni je da je to sve što se uzdiže iznad Allaha da bi se zatim obožavalo mimo Njega, svejedno bilo to primjenom sile od njega (taguta) ili pokornošću onih koji ga obožavaju, bez obzira da li je to šejtan, insan, kip ili nešto drugo. Tako da bi se ajet mogao ovako protumačiti: “Onaj ko zaniječe rububijet svih božanstava mimo Allaha i uznevjeruje u njih (a povjeruje u Allaha) i iskreno posvjedoči da je Allah njegov Bog i Gospodar i onaj kojega obožava, taj se prihvatio za najčvršću vezu koja se neće prekinuti.” Onaj ko traži spas za sebe od Allahove kazne prihvatio se za nešto najjače i najčvršće. “A Allah sve čuje i sve zna,” to jest, čuje robovo priznanje i vjerovanje u Allahovu jednoću i nijekanje taguta, kao i odricanje od idola i lažnih božanstava i svega drugog što se obožava mimo Allaha, dželle šanuhu.

Zatim, Allah zna ono što je rob odlučio mimo Allaha, subhanehu ve te’ala. Zatim, Allah zna ono što je rob odlučio u svom srcu od iskrenog priznanja Allahove jednoće i gospodarstva, kao i odricanja od drugih božanstava, kipova i taguta. Zna i druge stvari koje svako stvorenje krije. Njemu ne promakne ničija tajna i nikakva stvar tako da će svakoga pitati na Sudnjem danu za ono što je govorio i krio u sebi, pa ako bude dobro onda je dobro, a ako zlo onda je zlo.”

Šejh Muhammed b. Abdulvehhab kaže: “Znaj da čovjek ne može postati vjernikom u Allaha dok ne zaniječe taguta. Dokaz tome su riječi Uzvišenog: “Onaj ko ne vjeruje u taguta, a vjeruje u Allaha – drži se za najčvršću vezu, koja se neće prekinuti.” Riječ “rušd” koja se spominje malo prije ovog dijela ajeta označava vjeru s kojom je došao Muhammed, sallallahu alejhi ve sellem, a riječ “gaj” (zabluda) je vjera Ebu Džehla. A “urvetul-vuska” – čvrsta veza, je šehadet la ilahe illallah koji sadrži potvrdu i negaciju. Negira sve vrste ibadeta nekome mimo Allaha, a potvrđuje da svi ibadeti pripadaju samo Allahu Jedinom, Koji nema sudruga.”

Medžmuatu tevhid, str. 15. Darul-fikr

Hadisi o hadždžu

Neka žena je upitala Allahovoga Poslanika, sallallahu alejhi ve sellem, za dječaka kojeg je podigla prema njemu: "Allahov Poslaniče, hoće li ono obaviti hadždž?" "Hoće, a tebi pripada nagrada," reče joj on. Muslim, br. 1336. Šafija, 1/28. br. 741. Malik, 1/42. Tirmizi, br. 942. "O hadždžu," poglavlje "O hadždžu djeteta." Ibn-Madže, br. 2910.

Neka žena je upitala Allahova Poslanika, sallallahu alejhi ve sellem: "Šta je ravno hadždžu koji je obavljen sa tobom?"

Reče: "Umra u ramazanu."

Buhari, 4/67. "O hadždžu." Muslim, br. 1256. Ahmed, 3/352; Hadis prenosi Džabir, radijallahu anhu.



Ummu Ma'kal je upitala Allahovoga Poslanika, sallallahu alejhi ve sellem: "Allahov Poslaniče, dužna sam obaviti hadždž, a Ebu-Ma'kal ima mladog mužjaka deve," a on reče: "Istina je ali ja sam ga dao da se koristi na Allahovom putu." Poslanik, sallallahu alejhi ve sellem, reče Ebu Ma'kalu: "Dadni joj ga da otputuje sa njim na hadždž, i to će ti biti na Allahovom putu." Nakon što je tako i postupio, reče ona: "Allahov Poslaniče, ja sam stara i bolesna; može li mi neko drugo djelo zamijeniti hadždž?" Poslanik, sallallahu alejhi ve sellem, odgovori: "Umra uz ramazan vrijedi koliko i hadždž."

Ebu-Davud, br. 1989. "O obredima," Tirmizi, br. 939, "O hadždžu," poglavlje "O umri u ramazanu"; Hadis je sahih, prenosi ga Ummu Mu'kal, radijallahu anha.

Duba'a bin-Zubejr se obratila Allahovome Poslaniku, sallallahu alejhi ve sellem: "Želim obaviti hadždž, a bolesna sam." "Kreni ti na hadždž i uvjetuj (pri nijjetu): 'Oslobodit ću se ihrama tamo gdje me Ti zaustaviš' (bolešću, umorom)." Buhari, 4/114. "O braku". Muslim, br. 1207. "O hadždžu." Nesai, 5/168. "O hadždžu"; Hadis prenosi Aiša, radijallahu anha.


Neki čovjek se obratio Allahovome Poslaniku, sallallahu alejhi ve sellem: "Moja sestra se zavjetovala da će obaviti hadždž, a zatim je umrla." Poslanik, sallallahu alejhi ve sellem, reče: "Šta misliš da je tvoja sestra nekom nešto ostala dužna, bi li se ti za nju odužio?" "Bih," reče on. Poslanik, sallallahu alejhi ve sellem, kaza: "Oduži se i Allahu, On je najpreči da Mu se oduži dug." Buhari, 11/507. "O zavjetovanju i zakletvama." Nesai, 5/116. "O hadždžu" Hadis prenosi Abdullah b. Abbas, radijallahu anhuma.

Ummu Seleme je upitala Poslanika, sallallahu alejhi ve sellem, o svom hadžu: "Bolesna sam, Poslaniče." "Obavi tavaf jašući iza ljudi," odgovorio je Poslanik, sallallahu alejhi ve sellem.

Buhari, 3/392. "O hadždžu." Muslim, br. 1276. "O hadždžu". "Muvet'a", 1/371. "O hadždžu". Ebu-Davud, br. 1883. "O obredima." Nesai, 5/223. "O hadždžu". Ibn-Madže, br. 2961. "O obredima"; hadis prenosi Ummu Selema, radijallahu anha.

Aiša, radijallahu anha., upitala je Allahovoga Poslanika, sallallahu alejhi ve sellem: "Allahov Poslaniče, vidimo da je džihad najvrednije djelo. Zašto i mi ne idemo u džihad?" On je odgovorio: "Najvredniji džihad vama ženama je hadždž-mebrur" (primljen hadždž).

Buhari, 3/302. "O hadždžu", poglavlje: "Vrijednost primljenog hadždža" i poglavlje "Hadždž žene, i o džihadu." Nesai, 5/114. 115, poglavlje "O vrijednostima hadždža". Ahmed, 6/71; Hadis prenosi Aiša, radijallahu anha.



Neka žena je upitala Allahovoga Poslanika, sallallahu alejhi ve sellem: "Moja majka je umrla, a nije obavila hadždž, pa mogu li ja za nju obaviti hadždž?" "Možeš, obavi za nju," reče joj Poslanik."

Tirmizi, br. 929. "O hadždžu." Muslim, u nešto dužoj verziji, br. 1149. "O postu," poglavlje "O napaštanju za umrlog". Ebu-Davud, br. 2877. "O oporukama"; Hadis prenosi Burejda, radijallahu anuhu.

PET SAVJETA

Ebu Hurejre, radijallahu anhu, izjavio je: "Poslanik sallallahu alejhi ve sellem, upitao je jednom ashabe:

"Ko će od mene primiti pet savjeta po kojima će se ponašati ili će podučiti nekog ko će po njima postupati?"

Ja sam rekao: 'Ja, o, Allahov Poslaniče!'

Poslanik, sallallahu alejhi ve sellem, tada me je uzeo za ruku i nabrojao mi slijedećih pet savjeta:

‘Čuvaj se Allahovih zabrana, bit ćeš najbogobojazniji;

budi zadovoljan onim što ti je Allah dodijelio, bit ćeš najbogatiji,

budi dobar prema komšiji bit ćeš vjernik;

voli drugima što voliš sebi, bit ćeš musliman;

nemoj se prekomjerno smijati, jer prekomjerno smijanje zaista umrtvljuje srce."

Imam Ahmed u Musendu 2/31, Tirmizi u svom Džamii 2305. Hadis je hasen.

Pazi kako postupaš s njom!

Poslanik, sallallahu alejhi ve sellem, koji je poslat kao milost svjetovima, kao radost pravovjernima. On je naš divan primjer u svemu, pa i u svom međusobnom ophođenju supružnika. Prenosi se da on, sallallahu alejhi ve sellem, nikada nikoga nije udario, ni slugu, ni svoju suprugu niti životinju.

Kada je Aiša, radijallahu anha, bila upitana: *"Šta je Allahov Poslanik, sallallahu alejhi ve sellem, radio kada je bio sa svojom porodicom?"*, odgovorila je: *"Bio je u službi svoje porodice, a kada bi nastupilo vrijeme namaza izašao bi na namaz."* (Buhari, "El-Feth," 10/476)

Poslanik, sallallahu alejhi ve sellem, je bio najplemenitije stvorenje, a šio je i krpio svoju odjeću, održavao svoju obuću i krpio je kofe za vodu. Ibn Hadžer kaže: "U ovom hadisu je podsticaj na skromnost, napuštanje oholosti i pomaganje svojoj porodici." ("Fethul-bari," 2/191)

Uzvišeni Allah kaže: **"Vi u Allahovom Poslaniku imate divan uzor za onoga koji se nada Allahovoj milosti i nagradi na onom svijetu, i koji često Allaha spominju."** (El-Ahzab, 21)

"Bojte se Allaha u pogledu žena! Vi kod njih imate svoja prava, a i one kod vas imaju svoja prava." (Muslim)

Ibn Kajjim navodi u svojoj knjizi da je Allahov Poslanik, sallallahu alejhi ve sellem, posjedovao najviši stepen bogobojaznosti i bio je najljepšeg morala. Bogobojaznost, *et-takva*, uređuje i popravlja odnos između roba i njegovog Gospodara, a lijep moral uređuje i popravlja odnos između čovjeka i drugih ljudi. Bogobojaznost stoga čovjeku donosi Allahovu ljubav, a lijep moral obavezuje ljude da zavole onoga ko ga posjeduje. ("Riznica znanja, str. 180)

"One su (žene), uistinu, druga polovica muškarcima." (Ahmed, Ebu Davud, Tirmizi, Ed-Daremi) Shodno hadisu da je žena druga polovica muškarcu, ona zaista treba da bude vrednovana kao takva, a ne kao najniže biće bez ikakvih prava.

"Žena je izašla iz rebra muškarca, a ne iz nogu da bude gažena, niti iz glave da bude nadmoćna, nego sa boka da bude jednaka, ispod ruke da bude zaštićena i blizu srca da bude voljena."
Ibn Kajjim

"Zaista je žena stvorena od rebra, i ako hoćeš to rebro da ispraviš, slomićeš ga, pa ophodi se prema njoj blago i živijećeš s njom lijepo." (Ahmed, Hakim, Ibn Hibban – sahih)

"Koga Allah opskrbi i daruje mu dobru i poštenu ženu, pa već ga je pomogao u pola njegove vjere, pa neka se on sam čuva u preostaloj polovici koliko može." (Hakim, sahih)

"Neka vjernik ne mrzi vjernicu, jer ako nije zadovoljan sa nekim njenim svojstvom, zadovoljan je sa nekim drugim." (Muslim)

"Oporučujem vam lijep postupak sa svojim suprugama." (Buhari)

Hakim b. Mu'avija prenosi od svog oca da je neki čovjek upitao Poslanika, sallallahu alejhi ve sellem: "Kakva prava žena ima kod muža?"

Poslanik, sallallahu alejhi ve sellem, reče: *"Da je hrani kao i sebe, da je oblači kao što i se i on oblači, da je ne udara po licu, da joj ružan govor ne upućuje, niti da je izbjegava osim u kući."* (Ebu Davud, En-Nesai - hadis je sahih)

"Najbolji među vama su oni koji su najbolji prema ženama." (Ahmed)

Neka je hvaljen Allah Gospodar svih svjetova!

Pripremila Ummu Sejfullah

Kroz suprotnosti raspoznaju se stvari

Tri su temelja za koje se vezuje sreća i uspjeh roba, a svaki do ta tri temelja ima svoju suprotnost. Pa ko izgubi neki temelj zapada u njegovu suprotnost.

-Nasuprot tevhida, priznavanja Allahove jednoće, stoji širk, pripisivanje Allahu druga.

-Nasuprot sunneta, prakse Allahovog Poslanika, sallallahu alejhi ve sellem, stoji novotarija, inoviranje vjerovanja i vjerskih propisa.

-Nasuprot pokornosti Allahu stoji grijehenje i neposlušnost Njemu, Uzvišenom.

A nasuprot ovoga troga stoji jedna stvar koja je oprečna sa svakim temeljom zasebno, a to je opustjelost srca od želje za Allahovom i onim što je On pripremio za odane robove, i opustjelost srca od strahopoštovanja prema Allahu i od straha od Njegove kazne.



Allahov Poslanik, sallallahu alejhi ve sellem

Allahov Poslanik, sallallahu alejhi ve sellem, posjedovao je najviši stepen bogobo-
jznosti i bio je najljepšeg morala. Bogobojznost, *et-takva*, uređuje i popravlja
odnos između roba i njegovog Gospodara, a lijep moral uređuje i popravlja odnos
između čovjeka i drugih ljudi.

Bogobojznost stoga čovjeku donosi Allahovu ljubav, a lijep moral obavezuje ljude
da zavole onoga ko ga posjeduje.

Koliko si ispunjena...? I dio

Koliko si ispunjena strahom od Allaha (el-havf)?

To je jedan od najkorisnijih srčanih ibadeta zato što utiče na ponašanje muslimana. Kaže Uzvišeni Allah, subhanehu ve te ala, u prevodu značenja: **....i ne bojte ih se, a bojte se Mene, ako ste vjernici.** (Alu Imran,175)

Kaže Allah, subhanehu ve te ala, u suri El-Muminun:

“Oni koji iz bojazni prema Gospodaru svome strahuju i oni koji u dokaze Gospodara svoga vjeruju i oni koji druge Gospodaru svome ravnim ne smatraju, i oni koji od onoga što im se daje udjeljuju, i čija su srca puna straha, zato što će se vratiti svome Gospodaru, - oni hitaju da čine dobra djela, i radi njih druge pretiču.”(El Muminun, 57-61)

Koliko si ispunjena sa istinoljubljuivosti (sidk)?

Istinoljubljuivost je jedna od moralnih osobina koje krase muslimana. Onaj ko se okiti tim ukrasom bit će spašen, kako na ovom tako i na onom svijetu, a onaj ko bude nemaran po tom pitanju bit će osramoćen na ovom prije onog svijeta i bit će okaljan toliko da se neće očistiti sve do Sudnjeg dana.

Allah, subhanehu ve te ala, je pohvalio istinoljubive i naredio vjernicima da se druže s njima, pa kaže Uzvišeni:

„O vjernici, bojte se Allaha i budite s onima koji su iskreni.“(Et-Tewbe,119)

Allah, subhanehu ve teala, je podjelio ljude na iskrene i licemjere, pa kaže Uzvišeni:

“ Da Allah nagradi iskrene za njihovu iskrenost, a da, ako hoće, stavi na muke licemjere ili da im oprosti..”(Al-Ahzab, 24)

Koliko si ispunjena saburom?

Sabur – strpljenje je jedna od moralnih osobina koja je jedan od najvažnijih za roba. Strpljivost za iman je isto što i glava za tijelo. Sabur je u svakom slučaju korist. On je nešto najteže čovjeku. Saburati može samo onaj kome se Allah smilovao i posvetio mu posebnu pažnju.

Na mnogim mjestima u Kur'anu se spominje sabur. Allah Uzvišeni o saburu kaže:

“ Samo oni koji budu strpljivi bit će bez računa nagrađeni.” (Ez-Zumer,10)

Allah, subhanehu ve teala, podstiče svoje robove na sabur pa kaže:

“I budite izdržljivi, jer Allah je, zaista, na strani izdržljivih.” (El-Enfal, 46)

Koliko si ispunjena zahvalnošću Allahu na Njegovim blagodatima?

To je stalna zahvalnost Allahu na svim blagodatima podarenim koje se ne mogu nabrojati. **"Ako vi budete brojali Allahove blagodati, nećete ih nabrojati"** (En-Nahl, 18) Poslanik, salallahu alejhi ve sellem, je rekao Muazu, radijallahu anhu: **"Ja te zaista volim, Muaze!"** "Pa sam kaže Muaz, radijallahu anhu, rekao: 'I ja tebe volim, Allahov Poslaniče!' A Poslanik, salallahu alejhi we selem, reče: **"Pa nemoj onda izostavljati da kažeš u svakom namazu: 'Allahu moj, pomози mi da istrajem u spominjanju tebe, u zahvalnosti prema Tebi, te u lijepom robovanju Tebi'"** (Sahih Suneni-n-Nesa'i, 1.236)

A u rivajetu Ebu Hurejre, radijallahu anhu: **"O ljudi, volite li se truditi u svojim dovama, recite: 'Allahu naš, pomози nam da ustrajemo u zahvalnosti Tebi, u spominjanju Tebe, te u lijepom robovanju Tebi'"** (Sahihu-l-Džami, 81)

Pripremile Ummu Talha i UmmuZejneb

Važnost čitanja djeci II dio

Deset podstičućih stvari koje možete učiniti za vasu djecu su:



Dok čitate zajedno, zastanite i upitajte vašu djecu o slici koja se nalazi u knjizi i o tome šta se događa u priči. Čitajte iz različitih dječijih knjiga.



Kada čitate knjigu sa velikim fontom (velikim slovima) pokazujte prstom na svaku riječ. Ovo će pomoći vašoj djeci da shvate da se čita s lijeve strane ka desnoj (ili s desne na lijevu ako je arapski jezik u pitanju), i da razumiju da je riječ koju izgovore ona riječ na koju im pokažete prstom.



Čitajte onu knjigu koju vole vaša djeca po nekoliko puta iznova, da bi izgradili shvatanje i prepoznavanje.



Kada su mlađa djeca u pitanju, izgovarajte svaku riječ jasno i malo sporije nego što inače činite kada čitate.



Čitajte one priče sa svojom djecom koje sadrže rimu, i redove koji se ponavljaju. Uključite vašu djecu u tu aktivnost tako što ćete pokazivati na riječi dok oni čitaju zajedno sa vama.



Razgovarajte o novim riječima. Tražite od njih da sastave nove rečenice sa tom novom riječju da bi bili sigurni da su shvatili njeno značenje.



Slušajte i posmatrajte kako vaša djeca čitaju i razumiju pisano štivo.



Ako je pak vaše dijete malo starije, odredite knjigu za čitanje svake dvije sedmice, i neka vam napiše izvještaj o toj knjizi.



Budite kreativni kada su u pitanju ti izvještaji i učinite ih interaktivnim, na primjer odaberite knjigu o zemlji u kojoj živite radije nego da kuhate tradicionalno jelo te zemlje.



Pronađite knjige koje mogu biti čitane kao predstave i uključite čitavu porodicu u njeno čitanje tako da će biti više različitih glasova i biće upečatljivije.

Naša djeca se poistovjećuju sa nama na svaki mogući način

Ono što se sviđa i ne sviđa našoj djeci je često posljedica onoga što se nama, kao roditeljima, sviđa ili ne sviđa. Dakle, "Ako su knjige dio međusobnog odnosa roditelj – dijete koji obiluje ljubavlju od ranih dana, djecu će prisustvo knjiga asociirati na ljubav i brigu i o njima će imati pozitivno mišljenje.

Nesumnjivo, ove će asocijacije u mozgu djeteta koje se razvija biti prepoznate na jedan poseban, temeljit način. Slikovnice su idealna veza za međusobni odnos roditelj-dijete, koji je pun ljubavi i stimulacije."

Čak štaviše, kao što pokazuju istraživanja i studije pedijatara, "zdravo odrastanje znači mnogo više od odsustva bolesti. To podrazumijeva odgoj pun ljubavi i pažnje, kao i sticanje vještina govornog i pisanog jezika. Vrlo je uzbudljivo ponuditi djetetu lijepu knjigu i nadgledati ga dok radi zadaće, izražavajući na taj način svoju osobenost." (Dr. Robert Needlman, Division of Behavioral Pediatrics and Psychology, Rainbow Babies' and Children's Hospital, Cleveland, Ohio)



Dakle, sa ovim nadmoćnim dokazom, uz našu religiju i historiju na koju se pozivamo, trebamo biti motivisani da proizvedemo naredne generacije učenjaka, naučnika i doktora, iščitavanjem u obližnjim kutubhanama i iznajmljivanjem knjiga. Mi odgajamo našu budućnost i ono što ostavimo našoj djeci danas će biti nešto od čega će se okoristiti nadolazeće generacije.

Ebu Hurejre, radijallāhu 'anhu, prenosi jedan zaista značajan hadis, u kojem Allahov Poslanik, sallallāhu 'alejhi we sellem, kaže:

"Kada čovjek umre, sva njegova djela prestaju, osim troje; trajne sadake, znanje koje ljudima koristi ili pobožno dijete koje čini dovu za njega." (Hadis bilježi Muslim)

Pripremila Ummu Mudžahid

„Dozvoljeno je zavidjeti samo dvojici. Prvi-onaj kome je Allāh dao imetak i uputio ga da ga troši na pravi način, i drugi-onaj kome je Allāh podario mudrost kojom on presuđuje i kojom podučava.“ (Hadis bilježe Buharija i Muslim)

Biljke i svakodnevni život

Vrijeme u kojem živimo sa sobom donosi mnoštvo stvari koje čovjeku olakšavaju život u mnogim sferama. To najbolje znaju oni koji žive u urbanim sredinama gdje svaki minut znači mnogo.

Svakako ono što donosi razvoj tehnologije sa sobom nisu smo dobre stvari. Nekada se čini da je onih loših mnogo više nego dobrih.

Tempo naših života i sam način življenja ostavlja traga na naše zdravlje i neki od nas to osjete kasnije, a neki, pak, dosta rano. Teško je uskladiti i naći ravnotežu. Zato svako od nas se trudi da popravi kvalitet svoga života što je moguće više. Pa je nekima najbitnija psihička ravnoteža i da u svakodnevnicima imaju što manje stresa. Neki su tokom godina zaradili razna oboljenja koja otežavaju normalno funkcionisanje i rad, te se trude da sebi olakšaju što je moguće više.

Najčešća sredstva za kojima se poseže su sintetički lijekovi, što zbog brzine djelovanja, što zbog pristupačnosti i slijepog povodenja za lekarima.

Lekovite biljke u liječenju svake vrste bolesti imaju svoje mjesto, samo ga treba znati. Za neke male trikove ne morate poznavati našu nacionalnu floru, dovoljno je nekoliko vještina iz oblasti kulinarnosti i neke od izuzetno lekovitih biljaka zauzeće stalnu poziciju u vašem svakodnevnom životu.

Na prvom mjestu treba spomenuti začinske biljke. Osim što hrani daju izuzetan ukus, imaju pri tom i pozitivna djelovanja na cijeli organizam.

Malo svježeg ruzmarina dodajte pečenim krompirima ili mesu i dobićete fantastičnu aromu i jednu dozu ove lekovite biljke. To isto možete i sa bosiljkom.

Dodajte malo peršuna, majčine dušice ili đumbira u supu, kima u hleb, mente ili cimeta u kolače ili kako god se vama sviđa upotrebljavajte ove biljke kojima ćete poboljšati kvalitet svog života, a i svoje kulinarske sposobnosti.

Zanimljivo je da se lišće peršuna koristi u svježem stanju, jer jedino tako zadržava svoja bitna svojstva. Ne preporučuje se da se suši niti konzervira, ali se može zamrznuti. Takođe se ne smije upotrebljavati kod upalnih procesa u bubrezima.

Poboljšaćete, prema travarima, rad srca, pluća i želuca. I cijelog organizma uopšte. Neki kažu da mnoge biljke utiču i na popravljivanje raspoloženja, otklanjanjem nervoze i depresije.

Ako ne volite tople napitke od čajeva i jos nezaslađene ili sa medom, onda skuhaite veću količinu čaja (preporučujem neki voćni) ohladite ga, iscijedite jedan limun ili dva, zasladite braon šećerom i eto osvežavajućeg i zdravog napitka za cijelu vašu porodicu. Verujem da ćete sve manje kupovati sokove, koji su sve, a najmanje zdravi. Uz to, količina vitamina C koju ovim putem unesete nije zanemarljiva.

I svakako da su biljke u svježem stanju i najboljeg ukusa i djelovanja.

Što je najbitnije, korišćenje lekovitog bilja na ovaj način nije vremenski ni količinski ograničeno, jer teško da možete da preterate. Prilagodite to svom sopstvenom ukusu i nećete se pokajati.

Pripremila Ummu Esma

Jedna od najbogatijih ensarijki

Prenosi se od Enesa, radijallahu anhu, da je Poslanik, sallallahu alejhi ve sellem, zaprosio ensarijku od njenog oca za Džulejbiba, radijallahu anhu. Otac reče: „Sačekaj dok se posavjetujem sa njenom majkom.“ Poslanik, sallallahu alejhi ve sellem, mu reče: „U redu, neka tako bude.“ Čovjek ode i o tome obavijesti ženu. Žena to kategorično odbi, a djevojka reče:

„Zar ćete odbiti Poslanikovu, sallallahu alejhi ve sellem, naredbu? “ Ako je on sa njim zadovoljan, oženite ga! “ To je smirilo roditelje koji rekoše: „U pravu si!“ Čovjek ode do Poslanika, sallallahu alejhi ve sellem, i reče mu: „Slažemo se.“ Poslanik, sallallahu alejhi ve sellem, mu reče: „I ja sam njime zadovoljan.“ Enes kaže: „Tako se ona udala za Džulejbiba koji ode sa Poslanikom, sallallahu alejhi ve sellem, tragom jednog od njegovih pohoda u kojem poginu, a oko njega su bili mnogobošci koje je on ubio.“

„Ona je kasnije,“ kaže Enes, „bila jedna od najbogatijih osoba u Medini.“


U drugoj predaji se kaže: „Među ensarijkama nije bilo žene sa obilnijom nafakom od nje.“ (Mehasinut-te'vil (13/262). Hadis bilježi Ahmed)

Ibnul-Esir kaže: „Džulejbib je ensarija koji se spominje u hadisu koji prenosi Ebu-Berze el-Eslemi o Poslanikovoju udaji jedne ensarijke. Bio je niskog rasta i zdepast, što se nije sviđalo roditeljima djevojke. Djevojka je, čuvši Poslanikovu, sallallahu alejhi ve sellem, želju, proučila Allahove riječi:

„Kada Allah i Poslanik Njegov nešto odrede, onda ni vjernik ni vjernica nemaju pravo po svome nahođenju postupiti.“ (El-Ahzab, 36)

Rekla je: „Zadovoljna sam i predajem se onome sa kim je zadovoljan Allahov Poslanik.“ Poslanik, sallallahu alejhi ve sellem, joj zbog toga proučio sljedeću dovu: „Gospodaru moj, obaspi je svakim dobrom i život joj nemoj učiniti teškim.“ Bila je jedna od najbogatijih ensarijki.“

Ibnul-Esir el Džezeri, Usdul-gabeti (1/348). Ibn Hadžer, El-Isabetu (1/253)



Adabi učenja Kurana I dio

Vrijednost učenja Kur'ana je zaista dragocjena. Allahovu Knjigu i njeno učenje, ne smijemo zapostaviti niti na ovaj ibadet nemarno gledati. Prema Kur'anu se moramo odnositi s poštovanjem, jer trebamo biti svjesni da je to Allahova Knjiga.

Uzvišeni kaže: **"Mi, uistinu, Kur'an objavljujemo i zaista ćemo Mi nad njim bdjeti!"** (El-Hidžr, 9.) I kaže: **"A zašto oni ne razmisle o Kur'anu? Da je on od nekog drugog, a ne od Allah, sigurno bi u njemu našli mnoge protivrječnosti."** (El-Nisa, 82.)

Poslanik, sallallahu alejhi ve sellem, veli: *"Neće se skupiti ljudi u jednoj od Allahovih kuća s ciljem da uče Kur'an i da ga međusobno proučavaju, a da se u njihova srca neće spustiti smirenost, obuhvatit će ih Allahova milost, okružiti će ih meleki i Allah će ih spomenuti kod onih koji su kod njega".* (Muslim)

"Najbolji među vama su oni koji nauče Kur'an i druge poučavaju njemu". (Buharija)

I kaže: *"Onaj ko vješto uči Kur'an biće u društvu sa plemenitim, čistim i časnim melekima. A onaj ko s poteškoćom uči Kur'an imaće dvije nagrade".* (Muttefekun 'alejhi)

Učenje Kur'ana, kao jedan od najvrijedniji ibadeta ima svoje adabe koji taj ibadet čine još vrijednijim, potpunijim i dražim Allahu, dželevale ala. Izdvajamo nekoliko uz nadu da se svi okoristimo:

1. Iskrenost u nijetu prilikom učenja i proučavanja Kur'ana. Imam Nevevi, rahimehullah., kaže: "Prvo što je učeniku Kur'ana naređeno jeste iskrenost prilikom učenja i da s tim učenjem želi samo Allahovo lice i ništa drugo mimo toga.

Imam Muslim bilježi hadis od Ebu Hurejre, radijallahu anuhu, da je čuo Allahova Poslanika, sallallahu alejhi ve sellem, kako kaže: "Prva skupina ljudi kojima će biti presuđeno je čovjek koji je poginuo kao šehid. Biće doveden pa će mu Allah predložiti blagodati koje mu je podario, a on će ih priznati pa će ga Allah upitati: 'Šta si uradio sa mojim blagodatima?' On će odgovoriti: 'Borio sam se u ime Tebe sve dok nisam poginuo.' Allah će mu reći: 'Lažeš, već si se borio da bi ljudi za tebe rekli da si hrabar i rečeno je.' Zatim će biti naređeno da ga odvedu na lice u vatru pa će biti bačen u nju. Zatim čovjek koji je sticao znanje i druge poučavao i učio Kur'anu. Biće doveden pa će mu Allah predložiti blagodati koje mu je podario a on će ih priznati pa će ga Allah upitati: 'Šta si uradio sa mojim blagodatima?' On će odgovoriti: 'Sticao sam znanje i druge poučavao i u Tvoje sam ime Kur'an učio.' Allah će mu reći: 'Lažeš, nego si sticao znanje da bi ljudi za tebe rekli da si alim i učio si Kur'an samo da bi se pročitao kao vrstan učenik i to je rečeno o tebi.' Zatim će biti naređeno da ga odvedu na lice u vatru i biće bačen u nju!!!"

2. Prije učenja Kur'ana lijepo je očistiti usta misvakom ili drugim sredstvima za čišćenje usta. Onaj ko želi učiti Kur'an lijepo je da očisti usta i odstrani neugodan zadah iz poštovanja prema Allahovom govoru. Nema sumnje da je to bliže bogobožnosti i čestitosti.

3. Poželjno je učiti Kur'an polahko i razgovjetno, a pokuđeno je učiti brzo. O ovome imamo naredbu Allaha, džele ve ala, koji je rekao: **"Uči Kur'an polahko i razgovjetno."** (Muzemmil, 4.) Ibn-Abbas, radijallahu anuhu, kaže: "Tj. uči Kur'an potpuno jasno i razgovjetno."

4. Poslanik, sallallahu alejhi we sellem, je u svojim hadisima najavio žestoku kaznu i patnju onima kojima je Allah podario znanje o Kur'anu, a oni se toga ne budu pridržavali. U djelu jednog podužeg hadisa Poslanik, sallallahu alejhi we sellem, veli: *"Njih dvojica mi rekoše: 'Kreni' - ja krenuh sa njima dok ne dodosmo do čovjeka koji je ležao na leđima. Pored njegove glave stajao je drugi čovjek sa ogromnim kamenom u rukama pa bi njime razmrskavao glavu ovome što leži. Kad god bi ga udario, kamen bi se otkotrljao, a on bi otišao da ga donese. U međuvremenu bi se glava ovoga što leži vratila u prijašnje stanje, a ovaj bi je opet udarao. Ja ih upitah: 'Ko je ovo?' A oni mi rekoše: 'Kreni dalje.'" Zatim je Poslanik, sallallahu alejhi we sellem, protumačio svoj san i rekao: "Onaj kojeg sam vidio da mu se razmrskava glava je čovjek koga je Allah podučio Kur'anu a on je spavao po svu noć i nije ga učio niti je danju postupao po njemu".* (Hadis bilježi Buharija).

Pripremila UmmuTalha

Kur'an je sastavni dio srca, a ogleda se u uputi, znanju i dobru na način kao što je voda sastavni dio biljke. A šejtan je vatra koja uništava biljku. Kad god osjeti biljku dobra, on je nastoji spaliti. Zbog toga je Allah naredio da se traži utočište kod Njega kako šejtan ne bi u srcu uništio ono što mu donosi Kur'an.



ŠMINKA USPJEŠNE ŽENE III

Ona je iskrena :

Uzvišeni Allah kaže: **“On zna šta je na nebesima i na Zemlji i zna šta krijete i šta pokazujete; Allah zna svačije misli.”** (Et-Tegabun, 4)

Isto tako nam i Poslanik, sallallahu alejhi ve sellem, naređuje iskrenost, a zabranjuje laž, pa u hadisu kojeg prenosi Abdullah ibn Mes'ud, radijallahu anhu kaže: *“Budite iskreni, jer iskrenost vodi ka dobročinstvu, a dobročinstvo u džennet. Čovjek će govoreći istinu i pridržavajući se nje, biti upisan kod Allaha kao iskren. I klonite se laži, jer laž zaista vodi bestidnosti, a bestidnost vodi u džehennem. Čovjek će lažući i postupajući po laži, biti upisan kod Allaha kao lažac.”* (Buhari i Muslim)

Od suštinske je važnosti da živimo svoj život pošteno i iskreno, suzdržavajući se od svakog oblika dezinformacije, laži, obmane ili sumnjivih stvari, jer sve to može biti izuzetno štetno po odnose, pa čak i one koji bi trebalo da traju cijeli naš život.

To se i najbolje vidi iz sljedećeg hadisa kojeg prenosi sin Alije, a Poslanikov unuk Hasan: "Od Allahovog Poslanika sallallahu 'alejhi ve selleme sam zapamtio sljedeće riječi: *"Ostavi sve ono što ti je sumnjivo (nisi siguran da li je halal ili haram), a drži se onog što ti nije sumnjivo. Zaista je iskrenost sigurnost, a laž je sumnjičavost."* (Tirmizi)

Ona je skromna:

O tome koliko je Allahov Poslanik, sallallahu alejhi ve sellem, podsticao muslimane na skromnost, najbolje vidimo iz sljedeća dva hadisa: "Uzvišeni Allah mi je objavio da budete skromni, tako da se ne uznosite jedan nad drugim, niti da jedan drugome činite nepravdu." (Muslim)

"Sadaka ne umanjuje imetak. Ako čovjek nekome oprosti Allah će mu povećati čast. Ko god bude skroman radi Allaha, Allah će ga uzdići (na visoke stepene)." (Muslim, Ahmed i Tirmizi).

Možda je u ljudskoj prirodi da se svako od nas ponosi svojim postignućima i veštinama. Niko nije savršen, ali je izuzetno važno da se stalno podsećamo na skromnost i umjerenost, da smo blagi i milostivi prema Allahovim stvorenjima, a ne da se grubo ophodimo, uzdižemo iznad drugih ili ih potejenjemo, jer nam to Allah i Njegov Poslanik, sallallahu alejhi ve sellem, zabranjuju. Ponekad izgubimo iz vida činjenicu da je Uzvišeni Allah taj koji nas opskrbljuje iz Svojih neiscrpnih riznica sa svime što nam je potrebno na ovom prolaznom dunjaluku.

"I to siromasima koji, zauzeti na Allahovom putu, nemaju vremena zarađivati, pa onaj koji u to nije upućen misli da su zbog skromnosti imućni; poznat ćeš ih po njihovom izgledu; oni proseći ne dodijavaju ljudima." (El-Bekara, 273)

Trebamo stalno imati na umu da sva moć i ponos pripadaju Allahu, te da Uzvišeni Allah daje posebno priznanje onima koji se ponize radi Njega, a nema bolje nagrade od one koja je rezultat pokornosti Allahu Uzvišenom.

Pripremila sestra Adela

Nastupanje Sudnjeg dana u vaktu najgorih ljudi



Od Abdulaha bin Amra bin Asa prenosi se da je Resulullah, sallallahu alejhi ve sellem, rekao: "Izaći će Dedždžal među moj Ummet i ostaće četrdeset, ne znam je li rekao dana, mjeseci ili godina, pa će Allah, subhanehu ve teala, poslati Isaa, sina Merjemina, i on će ga naći i uništiti. Potom će ljudi biti u takvom stanju da sedam godina među njima neće biti neprijateljstva. A onda će Allah, subhanehu ve teala, poslati vjetar iz pravca Šama i neće na licu zemlje ostati niko od onih koji imaju u srcu trun dobra ili imana, a da ga neće taj vjetar zgrabiti.

Pa čak i onoga ko bi se od vas u utrobu planine sakrio. I za njim će vjetar ući sve dok ga ne zgrabi." Pa je nastavio: *"Čuo sam od Resulullaha sallallahu alejhi ve sellem, da je rekao: "Ostaće samo najgori ljudi brzi kao ptice sa čudima zvijeri koji neće znati razliku između pravog i krivog, pa će im se pokazati šejtan i reći će im: "Zar mi se nećete odazvati? A oni će reći: "Šta nam naređuješ?" A on će im narediti obožavanje kipova, pa će oni u tome ustrajati, a imaće dobru opskrbu i lijep život. Zatim će se u rog puhnuti, pa to niko neće čuti, a da mu se vrat neće zgrbiti i opet ispraviti, pa je dodao: "Prvi koji će ga čuti je čovjek koji će ilovačom obljepljivati vrelo za svoje deve. On će umrijeti, a pomrijeće i ljudi, zatim će Allah, subhanehu ve teala, poslati - ili je rekao: "Allah će spustiti - kišu kao što je rosulja ili sjenka i iz nje će izniknuti ljudska tijela, pa će se puhnuti po drugi put i oni će stajati otvorenih očiju. Zatim će im biti rečeno: "O, ljudi, dođite svome Gospodaru!" Potom će biti zaustavljeni i pitani. Rekao je potom: "Pa će biti rečeno: "Izdvojite džehennemsku grupu", a neko će upitati: "A koliko brojnu?", pa će se reći: "Izvedite od svake hiljade (999)." Pa je nastavio: "Toga dana mladići će osjediti, i toga dana će Allah pokazati potkoljenicu." (Hadis prenosi Muslim)*

Allah, subhanehu ve teala, kaže: "I u sur će se puhnuti, umrijeće oni na nebesima i oni na Zemlji, ostaće samo oni koje bude Allah odabrao, poslije će se u sur po drugi put puhnuti i oni će, odjednom, ustati i čekati.

I Zemlja će svjetlošću Gospodara svoga zasijati i Knjiga će se postaviti, vjerovjesnici i svjedoci će se dovesti, i po pravdi će im se svima presuditi, nikome se neće nepravda učiniti." (Ez Zumer, 68-69)

U Tefsiru 68. ajeta Ibn Kesir navodi da ovo puhanje će biti drugo i bit će strašno puhanje od kog će umrijeti svi živi stanovnici Zemlje i nebesa, ostat će samo oni koje bude Allah odabrao, kao što je to bilo istaknuto i tumačeno i bilo govora u poznatom hadisu o puhanju u rog. Zatim će biti oduzete duše preostalih stvorenja, a posljednji koji će umrijeti bit će melek smrti. Ostat će samo Vječno Živi, Koji je Prvi, i ostat će Zadnji, Vječan i Stalan.

Kaže Allah, subhanehu ve teala: "I puhnuće se u sur, pa će oni iz grobova prema Gospodaru svome pohrliti." (Ja Sin, 51)

I kaže Allah, subhanehu ve teala: **"A na Dan kad se u rog puhne pa se smrtno istrave i oni na nebesima i oni na Zemlji izuzev onih koje Allah poštedi, svi će mu ponizno doći."** (En Neml, 87)

Niko sem Allaha, subhanehu ve teala, ne zna koliko će vremena proći između dva puhanja u sur.

Prenosi Ebu Hurejre, radijallahu anhu, da je Poslanik, sallallahu alejhi ve sellem, rekao: *"Između dva puhanja u rog proći će četrdeset. Pitali smo: "O, Ebu Hurejre, je li četrdeset dana?" A on je rekao: "Ne znam." Pa smo opet upitali: "Je li četrdeset mjeseci?" A on je odgovorio: "Ne znam." Upitali smo: "Je li četrdeset godina?" A on je odgovorio: "Ne znam." Zatim će Allah, subhanehu ve teala, spustiti s neba kišu i oni će izrastati kao što izrasta povrće", i dodao je "a sve će kod čovjeka istruhnuti osim jedne kosti koja se zove "adzbuz zeneb" (repnjača) pa će iz nje čovjek izrasti na Sudnjem danu."* (Mutefekun alejhi)

Prvo puhanje od kojeg će sve pomrijeti na nebesima i na Zemlji osim onih koje je Allah izuzeo, i drugo, na Sudnjem danu koje će strah izazvati i poslije kojeg će ljudi iz grobova prema svome Gospodaru ustati, a Allah najbolje zna.

Pripremila sestra Aiša



I Zemlja će svjetlošću Gospodara svoga zasjati

Kada Allahu, dželle sanuhu, na Sudnjem danu njegovi robovi budu polagali račune, Zemlja će zasjati Njegovom svjetlošću, kao što kaže Uzvišeni: **"I Zemlja će svjetlošću Gospodara svoga zasjati i Knjiga će se postaviti..."** (Ez-Zumer, 69). Abdullah ibn Mesud, radijallahu anhu, tumačeći ajet: "Allah je izvor svjetlosti nebesa i Zemlje" rekao je: "Izvor svjetlosti nebesa i Zemlje jeste svjetlost Njegovog lica."

U Buharijevom i Muslimovom Sahihu bilježi se hadis Ebu Bekra, radijallahu anhu, koji prenosi da je Allahov Poslanik, sallallahu alejhi ve sellem, otpočinjao dovu na noćnom namazu sljedećim riječima: *"Allahu moj, Tebi hvala, Ti si izvor svjetlosti nebesa i Zemlje i svega što se između njih nalazi."* (Bilježe ga Buhari u Sahihu, 1/377 pod brojevima 1069 i 5958 i Muslim u Sahihu 1/532 pod brojem 769)

Časna i plemenita duša

Osnova svakog dobra, uz Allahovu podršku i Njegovo htijenje, jeste plemenitost, veličina i čast duše, dok je osnova za svako zlo podlost, mizerija, malenkost i pokvarenost duše. Uzvišeni je rekao: „Uspjet će samo onaj ko je očisti, a bit će izgubljen onaj ko je na stranputicu odvođi!“ (Eš- Šems, 9-10) Ovo znači da će uspjeti samo onaj ko svoju dušu okiti, oplemeni, uveliča i odgoji u pokornosti Allahu Uzvišenom. A propast će onaj ko svoju dušu obezvrijedi, omaľovaži i ukalja grijesima i neposlušnošću prema Allahu Svemoćnome.

Časne duše nisu zadovoljne ničim drugim osim najvrjednijim, najboljim i za završnicu najzahvalijim stvarima, dok niske i bezvrijedne duše kruže samo oko nečisti i beznačajnog, baš kao sto i muhe padaju samo na lešinu i balegu.

Ljubav prema Allahu

Srce zaljubljenika stoji ispred veličine i ljepote Voljenoga, pa kada opazi Njegovu veličinu, zastrepi pred Njim i slavi Ga, a kada vidi Njegovu ljepotu, zavoli Ga i s čežnjom iščekuje dan kada će se s Njime stresti.



Oslobađanje od pohlepe za dunjalukom

Sve dok kod tebe postoji strah i dok čezneš i težiš za dunjalukom, nemoj pomišljati da ćeš uspjeti preći na stranu Allaha Uzvišenog i Poslanika Njegova, sallallahu alejhi ve sellem.

Ako se pak pitaš kako ćeš savladati tu pohlepu i težnju za dunjalukom, odgovor je sljedeći:

–Č vrstim vjerovanjem u Allaha Uzvišenog, vjerovanjem u Njegovu jednoću, pouzdanjem u Njega i oslanjanjem na Njega, zatim čvrstim uvjerenjem da svako dobro daje samo Allah Uzvišeni, i da sve loše i teško otklanja samo On, Svemogući, te postojanim vjerovanjem da Allah Uzvišeni svim upravlja i o svemu odlučuje, niko drugi, pored Njega, to nije u stanju.

Ne zapostavimo svoju djecu

Mnogo je danas onih koji zbog dunjalučkih stvari nemaju vremena za svoju sopstvenu djecu, niti za njihov odgoj. Ima čak i onih koji se zauzimaju na širenju da've i podučavanju drugih, a koji su zapostavili svoju djecu. Da li su oni svjesni čega su lišeni? Lišeni su igre sa svojom djecom, ljubljenja i grljenja svoje djece, dobrote prema njima, te uloge kao roditelja u porodici. Bez obzira koliko osoba tvrdi da je zauzeta, nemoguće je da ona bude više zauzeta od Poslanika sallallahu alejhi ve sellem, koji je imao vremena za to, unatoč svojim brojnim i velikim odgovornostima. Pripadnici ovog časnog dina islama imaju obavezu prema svojoj porodici i rođacima koje moraju ispuniti, bez obzira na svoje odgovornosti i zauzetosti.

Dijete ima vrlo posebno mjesto u islamskom društvu i ono bi trebalo dobiti potrebnu pažnju i njegu što igra vrlo bitnu ulogu u odgoju i vaspitanju..

Možda neki misle da ako posvete pažnju djetetu da neće imati vremena za da'vu, učenje, internet, naobrazbu, dunjalučke poslove itd.. Pa pogledajmo na Allahovog miljenika, Poslanika, sallallahu alejhi ve sellem i njegova primjera odnosa prema djeci i milosti koju im je pokazivao i pored svega što je nosio na svojim plećima. To se odražava u predaji koju pripovijeda Ebu Hurejre, radijallahu anhu, u kojoj se kaže da je Allahov Poslanik, sallallahu 'alejhi ve selleme, poljubio Hasana, sina Alijinog radijallahu anhu, a kod njega bio Akra' ibn Habis, pa je rekao (Akra'): "Ja imam desetero djece, a još nikada nisam nijedno poljubio!" Allahov Poslanik, sallallahu 'alejhi ve selleme, pogleda ga, pa reče: "Ko nije milostiv, neće ni njemu biti ukazana milost." (Buhari)

Islam daje svakome njegovo pravo, pa i djetetu. Na drugu stranu, pogledajmo stanje djece na Zapadu, koji je toliko materijalno napredan:

- ~ **više od pola djece su djeca rastavljenih roditelja,**
- ~ **roditelji nemaju vremena za svoju djecu pa tako već od prvog mjeseca svog života – tj. onda kada im je majka najpotrebnija – djeca bivaju ostavljana po vrtićima gdje im nedostaje majčinska toplina i ljubav,**
- ~ **roditelji vide svoju djecu samo rano ujutro i naveče i tada ih opet, da bi kupili njihovu ljubav, postave za videoigrice, gdje se djeca satima igraju;**
- ~ **djeca nemaju respekta ni prema roditeljima niti prema učiteljima i nastavnicima;**
- ~ **vrlo je česta pojava da gotovo većina djevojčica u prvom razredu srednje škole (na Zapadu je to 12 godina) koristi sredstva za kontracepciju;**
- ~ **za djecu (uzrasta osnovne škole) je upotreba cigareta postala vrlo normalna stvar, njima je tek izazov uoptreba marihuane i drugih opojnih droga,**
- ~ **najveći razlog smrtnosti djece jeste nasilništvo roditelja, jer vrlo je česta pojava da zbog problema u relaciji jedan ili drugi roditelj ubije svoju djecu i sebe.**
- ~ **U nekim zemljama se vrši informativna cenzura kako ne bi procurila vijest koliko mladih života bude uzeto zbog bračnih problema...**

To je uistinu ružno lice Zapada koje odražava ova priča, i kakavu civilizaciju imaju? Što im koristi njihova tehnologija, kada su njihova društva puna nemorala, nedostataka vjere i djece koji su ubijena i mučena kao životinje? To je postalo tako raširena pojava sada imaju određeni telefonski brojevi za djecu koje djeca mogu nazvati i tražiti pomoć i zaštitu ako im njihovi roditelji nanose bol ili ih muče.

Ali, od koga ta djeca traže zaštitu? Od vlastitih roditelja, koji ih muče na takav barbarski način da se druga osoba koja to čuje zgražava od toga. Pravi vjernik bi trebao uzeti pouku iz Allahovih imena. Jedno od Njegovih imena je Svemilosni, tako da vjernik treba nastojati da bude milostiv. Još jedan od Njegovih imena je Suosjećajan, tako da vjernik treba da se trudi da bude milostiv i dobar prema drugima, posebno svojoj djeci. Očeva ljubav prema svojoj djecu ne bi trebala uskraćena zbog oćevog posla; naprotiv, on bi trebao izraziti svoju ljubav i dobrotu prema njima i nastojati ih ispravno njegovati i odgajati. Isto kao i majka.

Pripremila Ummu Zejd

Ko je Ehlul – Bejt II dio

U el-ifk hadisu (hadis o potvori) se prenosi da je jednog dana dok bješe na minberu Allahov Poslanik zatražio od ljudi da ga ispričaju ako se osveti Abdullahu bin Ubejju, rekavši: *"O skupe muslimanski, ko će me ispričati ako se osvetim čovjeku koji mi naudi potvarajući mi porodicu? Tako mi Allaha, nisam vidio od nje osim hajra, kao i kod čovjeka kojeg spominju, i nije ušao u moju kuću osim sa mnom!"* (Buhari)

Hajde sada da vidimo šta jezik kaže o ovome problemu. Naučnici arapskog jezika su veoma jasni u identifikaciji žena i porodice čovjeka. Ibn Mensur kaže jezikom Arapa: Ehlul Bejt: njeni članovi, Ehlul-Rejul (čovjekova porodica) su ljudi koji su mu najbliži i porodica Poslanikova, neka je Allahov mir na njega, njegove žene, njegove ćerke i njegovog zeta, Aliju bin Ebi Taliba.

El Fejruz el-Abadi kaže: Ehlul Amr su vladari, Ehlul Bejt su ukućani, Ehlul Mathhab su oni koji vjeruju u to, Ehlul Rajul je njegova žena i Ehlul Nabi su njegove žene, njegove ćerke i njegov zet Ali, radijallahu anhu.

El Zubejdi kaže u Taj Al-Arus (Nevestina kruna): Ehlul Mathhab su vjernici, Ehlul Rajul su njegova žena i djeca, i ova rečenica: "i on je putovao sa svojom porodicom", se objašnjava tako da su to bile njegove žene i porodica. Ehlul-Nabi su njegove žene, ćerke i njegov zet Alija. Rečeno je da je potomak čovjeka Ehlul Rajul.

Allah u Kur'anu kaže: **"U kućama svojim boravite i ljepotu svoju, kao u davno pagansko doba, ne pokazujte, i namaz obavljajte i zekat dajite, i pokoravajte se Allahu i Njegovom Poslaniku! Allah želi da od vas porodico Poslanikova, grijehe odstrani, i da vas potpuno očisti..."**(Al-Ahzab - ajet o čišćenju)

Pored kazivanja Poslanika, salallahu alejhi ve sellem, i izreka naučnika arapskog jezika, sam Kur'an svjedoči da su Poslanikove žene obuhvaćene pojmom Ehlul bejt.

Kur'an naziva Poslanikove žene njegovom porodicom. Allah kaže: **"Kada je vatru ugledao pa čeljadi svojoj rekao: Ostanite vi tu, ja sam vatru vidio, možda ću vam nekakvu glavnu donijeti ili ću pored vatre naći nekoga ko će mu put pokazati."** (Ta-Ha, 10.)

A poznato je da je samo Musina žena bila sa njim i niko više.

U priči o Zalihi, ženi El-Aziza, kada je želela da zavede Jusufa, Allah kaže: **"Kakva je kazna"- povika ona - "onome ko je porodici tvojoj zlo snovao, ako ne utamničenje ili patnja bolna?!"**

Takođe, Allah kaže: **"I kada Musa ispuni ugovoreni rok i krenu sa porodicom svojom"**(Al-Kasas, 29.). El Kumi kaže u tefsiru: Kada je došlo vrijeme, Šuajb ga je snabdeo i Musa povede svoju ženu i koze. Kada je Musa želeo da ode, Šuajb mu reče: Idi, Allah je ovo samo tebi namenio. I Musa povede svoje koze prema Egiptu. Musa i njegova porodica su se našli u jednom mjestu gdje ih uhvati hladni lahor, vjetar i mrak. Tada Musa ugleda vatru i o tome Allah u Kur'anu kaže: **"I kada Musa ispuni ugovoreni rok i krenu sa porodicom svojom"**.

Riječ Ehlul bejt obuhvata Aliju, Hasana, Husejnu i Fatimu, neka je Allah zadovoljan sa svima njima, kao što je pomenuto u hadisu el-Kisa'a (hadis o ogrtaču) koja je preneti od strane muslimana. Majka vjernika, Aisa radijallahu anha kaže: *"Jednog jutra, Poslanik, sallallahu alejhi we sellem, izašao je, a na sebi je imao vuneni ogrtač prošaran crnim vlasima. Potom je došao Hasan, radijellahu 'anhu, pa ga je ogrnuo tim ogrtačem. Onda je došao Husejn, pa je i njega ogrnuo. Zatim je došla Fatima, pa je i nju ogrnuo. Potom je prispio i Alija, pa je i njega ogrnuo, i onda je rekao: - "Allah želi da od vas, o Ehlul-bejte, grijehe odstrani i da vas potpuno očisti"*.

Sa Engleskog prevela sestra Adela

Više o ovoj sekti možete saznati na stranici: www.zabludarafidiya.blogspot.ba

Posjetite stranice

Islamska stranica na Bosanskom jeziku
www.kelimetul-haqq.org ↓

[Početna](#) [Aqidah](#) [Menhedž](#) [Fiqh](#) [Da'wa](#) [Fetwe](#) [Sira](#) [Download](#) [Ehlul Bidah](#) [Ashabi](#) [Članci](#) [Kontakt](#)

**Kelimetul-Haqq**
Reci istinu, makar bila gorka.


Ne čudi se što ti Allah odmah ne uslišava dove, već
budi zahvalan što te odmah ne kažnjava za grijeh
koje svakodnevno činiš!



"Kada Lukman reče sinu svome, savjetujući ga: 'O sinko moj, nemoj Allahu nikog pridruživati, jer zaista je širk ogromna nepravda'.
(Lukman, 13)

Knjiga za djecu i priručnik za roditelje: Mali muwehid
Za download knjige kliknite ovdje!

NOVO 25/07/11 [Kada će čovjeku koristiti riječi LA ILAHE ILLALLAH?](#)

ISLAMSKI PORTAL - KELIMETUL-HAQQ
SRIJEDA, 28 SEPTEMBAR 2011 10:24 KELIMETUL-HAQQ
Vrste širka kroz ajete iz sure Sebe`


Rekao je šejh Mubarek ibn Muhammed el-Mili: Sve vrste širka sadržao je ajet u suri Sebe` koji glasi:

Reci: **Zovite one koje, pored Allaha, bogovima**

PREDAVANJA
20 SEPTEMBAR 2011
[Hutba \(Ebu Ahmed\) - Zuhd](#)

19 JULI 2011
[Pobijanje pogrešnog shvatanja](#)

19 JULI 2011
[Obaveza vodstva i slušanja](#)

O NAMA





KELIMETUL-HAQQ - Naš cilj je pozvati ljude u čisti monoteizam (tewhid), u obožavanje samo

Islamska stranica na Albanskom jeziku
www.thirrja-ne-teuhid.com ↓

الدعوة إلى التوحيد
Thirrja Në Teuhid

Saturday, 24 September 2011

[HOME](#) [AKTUALE](#) [VIDEO](#) [AUDIO](#) [LIDHJET \(LINKS\)](#) [NA KONTAKTONE](#) [KËRKO \(SEARCH\)](#) [FORUM](#) [ARTIKULLI I JAVËS](#)



KESHF ASH-SHUBUHAT
Nga: Sheikh al-Islam Muhammed b. Abdul-Vehhab...
SHKARKIM KESHF...


THIRRJA JONË
Thotë Allahu i Madhëruar:

قُلْ هَذِهِ سَبِيلِي أَدْعُو إِلَى اللَّهِ عَلَى بَصِيرَةٍ
أَنَا وَمَنْ أَتَّبَعَنِي وَسُبْحَانَ اللَّهِ وَمَا أَنَا مِنَ الْمُشْرِكِينَ

"Thuaj: "Kjo është Udhë ime; unë ju ftoj drejt Allahut (Njësimit të Tij) me dije të sigurt, unë dhe kushdo që më ndjek mua (duhet të ftojë në Islam). Lavdi i qoftë Allahut dhe unë nuk jam prej mushrikëve (politeistë, paganë, idhujtarë ose çdo fe tjetër që mohon Njësinë e Allahut ose adhuron të tjerë përkrah e në vend të Allahut)." (Jusuf 12:108)

MAIN MENU
[Home](#)
[Aktuale](#)
[Video](#)
[Audio](#)
[Lidhjet \(Links\)](#)
[Na kontaktoni](#)
[Kërko \(Search\)](#)
[Forum](#)

U sljedećem broju čitamo inšallah:



- ~ Osnova vjere se prihvata jedino od Allaha Uzvišenog
- ~ Sa'd ibn Ebi-Vekkas, radijallahu anhu i njegova majka
- ~ Bože moj, ukrasi nas krasotom vjerovanja
- ~ Strahote Sudnjeg dana
- ~ Koliko si ispunjena II dio

I još mnogo toga inšallahu teala